



Prot. N. 03152/2024-301/24/I

DECRETUM

PAENITENTIARIA APOSTOLICA, ad augendam fidelium religionem animarumque salutem, vi facultatum sibi specialissimo modo a Sanctissimo in Christo Patre et Domino Nostro, Domino Francisco Divina Providentia Papa tributarum, attentis precibus nuper allatis a Rev. do P. Zenone Hanas, Rectore Generali Societatis Apostolatus Catholici, occasione sollemnum in honorem Sancti Fundatoris Vincentii Pallotti celebrationum quae a die IX Ianuarii MMXXV usque ad diem XXII Ianuarii MMXXVI peragentur, de caelestibus Ecclesiae thesauris benigne concedit plenariam Indulgentiam, suetis sub condicionibus (sacramentali Confessione, eucharistica Communionem et oratione ad mentem Summi Pontificis) a Patribus, Sororibus, sodalibus ipsius Societatis et omnibus christifidelibus vere paenitentibus atque caritate compulsis lucranda, quam etiam animabus fidelium in Purgatorio detentis per modum suffragii applicare possint si, totum per iubilarem annum, ecclesiam de Urbe, sub tit. SS. mi Salvatoris in Unda et, die XXII cuiusque mensis eiusdem anni, quodlibet templum praefatae Societati ubicumque spectans, in forma peregrinationis inviserint et iubilare functionibus devote interfuerint, vel saltem coram Sancti Fundatoris exuviis per congruum temporis spatium piis vacaverint considerationibus, concludendis Oratione Dominica, Symbolo Fidei invocationibusque Beatae Mariae Virginis atque Sancti Vincentii Pallotti.

Senes, infirmi necnon eos curantes omnesque qui gravi causa domo exire nequeunt, pariter plenariam consequi poterunt Indulgentiam, concepta detestatione cuiusque peccati et intentione praestandi, ubi primum licuerit, tres consuetas condiciones, si iubilare celebrationibus se spiritaliter adiunxerint, precibus doloribusque suis vel incommodis propriae vitae misericordiam Deo oblatam.

Quo igitur accessus, ad divinam veniam per Ecclesiae claves consequendam, facilior pro pastoralis caritate evadat, haec Paenitentia enixe rogat ut Patres ex Societate Apostolatus Catholici, v. "Pallottini" nuncupati, prompto et generoso animo celebrationi Paenitentiae sese praebeant. Praesenti pro hac vice tantum valituro. Non obstantibus in contrarium facientibus quibuscumque.

Datum Romae, ex aedibus Paenitentiae Apostolicae, die XXIII mensis Octobris, anno Dominicae Incarnationis MMXXIV.

*Angelus card. de Bonetis
Paenitentiarum M. S. O. C.*

*+ Christophorus Iosephus Nykiel
Episcopus tit. Velianis, Rector*